

DIGUB 2,2 Papsturkunde 2

Transkription

[https://la.wikisource.org/wiki/Epistolae_et_diplomatica_\(Victor_II\)](https://la.wikisource.org/wiki/Epistolae_et_diplomatica_(Victor_II))

[DRONKE, Cod. Diplom. Fuld., 364.]

XIV. Privilegium Victoris II pro monasterio Fuldensi. (Anno 1057. Febr. 9)

Papst Viktor II. bestätigt dem Kloster Fulda seine
Besitzungen und Rechte.

VICTOR EPISCOPUS SERVUS SERVORUM DEI,
ECHBERTO PIO ET RELIGIOSO ABBATI monasterii
Salvatoris domini nostri ihesu christi, et sancti Bonifacii, quod
situm est in loco qui vocatur bochonia, iuxta ripam fluminis quod
vocatur Fulda, et per te eidem venerabili monasterio suisque
successoribus, in perpetuum. Convenit apostolico moderamini
pia religione pollentibus benevola compassione succurrere et
poscentibus iuste et religiose alacri devotione assensum imper-
tiri. Ex hoc enim lucri potissimum praemium a conditore omnium
deo, procul dubio promeremur, si venerabilia loca opportune
ordinata, ad meliorem fuerint sine dubio statum perducta. Igitur
quia postulastis a nobis, decrevimus nostra apostolica praecep-
tione reconcedere ac reconfirmare perpetualiter vobis vestris-
que successoribus praedictum monasterium Salvatoris domini
nostri ihesu christi, et sancti Bonifacii, situm in loco qui vocatur
bochonia, iuxta ripam fluminis quod dicitur Fulda, cum omnibus
rebus mobilibus et immobilibus sibi pertinentibus, quas nunc
habet et in futuro deo auxiliante habebit. Concedimus etiam
atque donamus vobis karissime ac dilectissime fili, vestrisque
successoribus abbatibus in perpetuum, pro magno nostro amo-
re nimiaque dilectione quam circa vos habemus et habere
deinceps cupimus, monasterium Sancti Andreae apostoli, quod
vocatur exaiulum situm Romae iuxta ecclesiam sanctae dei

genitricis Mariae semper virginis, quae vocatur ad praesepe, cum omnibus mansionibus, caminatis, cellis, vinariis, et coquina, cum vineis, hortis, diversisque generibus pomorum. Cum curte, et puteo, et introitu per portam maiorem, a via publica, et cum omnibus ad idem monasterium generaliter pertinentibus, tam intra quam extra urbem sitis, quae ei iuste ac recte pertinere dignoscuntur. Prohibemus autem omnem cuiuslibet ecclesiae sacerdotem in idem vestrum Fuldense monasterium quamlibet ditionem habere vel auctoritatem praeter nostram apostolicam sedem, specialiter episcopum in cuius dioecesi constructum esse videtur. Ita ut nisi ab abbate monasterii fuerit invitatus, nec missarum solemnia ibidem celebrare praesumat. Dona vero et oblationes decimasque fidelium, absque ullius personae contrarietate, firmitate perpetua, ipsi monasterio vestro secundum praedecessorum nostrorum privilegia confirmamus et corroboramus. Decernimus etiam ne alicui personae magnae vel parvae liceat aliquam vim vel controversiam inferre eidem monasterio in rebus ac familiis eius, et ne femina umquam illuc ingredi praesumat, nostra apostolica interdicimus auctoritate, et ne quis umquam placitum ibi habeat, vel in ceteris eius locis. Nec servos nec colonos, ad aliquod servitium constringat, nisi cui abbas ad utilitatem suae necessitatis assensum praebuerit. Eligendi quoque abbatem sibi quando opus fuerit, fratres inter se potestatem habeant secundum regulam sancti BENEDICTI, sine ullius contradictione personae. Ceterum vero hoc deliberantes decernimus, ut congruis temporibus, nostrae sollicitudini ecclesiasticae intimetur qualiter religio monastica regulari habitu dirigatur concordiaque convenienti ecclesiastico studio mancipetur. Ne forte quod absit sub huius privilegii obtentu, animus gressusque rectitudinis vestrae a norma iustitiae aliquomodo retorquatur. Concedimus etiam tibi, quem bene cruditum et bene eloquentem virum esse novimus dulcissime fili praedicare verbum dei auctoritate, sancti PETRI apostoli dei, et nostra eius indigne vicarii, et ut tam vos quam successores vestri ante alios abbates galliae seu germaniae primatum sedendi in omni loco conventuque nostra apostolica auctoritate obtineatis. Abbas vero non nisi a nostra apostolica sede benedicatur, a qua benedici debet. Et si in aliquo crimine

accusatus fuerit, de eadem nostra apostolica sede tantum iudicium expectet. Usus quoque dalmaticae et sandaliorum secundum quod ab antecessoribus nostris vobis concessum est, concedimus et confirmamus. Igitur generaliter addendum dignum duximus, ut quicquid auctoritate antecessorum quorumlibet nostrorum regum et imperatorum, ipsi ve(st)ro Fuldensi monasterio constat fuisse concessum, sit etiam nostra apostolica auctoritate per hoc nostrum privilegium confirmatum atque corroboratum. Statuentes apostolica censura sub divini iudicii obtestatione, ne quis umquam nostrorum post decessorum pontificum romanorum, regum, ducum, marchionum, comitum, et praeterea archiepiscoporum, episcoporum, aut cuiuslibet dignitatis vel conditionis hominum, contra hoc nostrum privilegium quicquam audeat attemptare. Quod si quis praesumpserit, sciat se nostri anathematis vinculo usque ad dignam satisfactionem insolubiliter innodatum. Qui autem pio intuitu se custodierit. et ne in aliquo infringatur a se observaverit. benedictionis gratiam. et peccatorum suorum absolutionem a retributore omnium bonorum deo consequi mereatur. ut in coelesti sede gloriatur.

(Rota)	(Monogramm)	(Komma)
IHC XPC ----- PETRUS PAULUS	BENE VALETE (<i>Lebet wohl</i>)	? ^ ^ ^

Devise:

VICTORIS . II . SANCTAE ROMANAE
ET APOSTOLICAE SEDIS PAPAE

Datum V Idus Febr., per manus Aribonis, vice Annonis sanctae Romanae et apostolicae sedis archicancellarii et coloniensis archiepiscopi Anno II° papae VICTORIS II. Indictione X.

1)

**VICTOR EPISCOPUS SERVUS SERVORUM DEI,
ECHBERTO PIO ET RELIGIOSO ABBATI**

2)

monasterii Salvatoris domini nostri ihesu christi, et Sancti Bonifacii, quod situm est in loco qui vocatur bochonia, iuxta ripam fluminis quod vocatur Fulda, et per te eidem venerabili monasterio suisque successoribus, in perpetuum.

3)

Convenit apostolico moderamini pia religione pollentibus benevola compassione succurrere et poscentibus iuste et religiose alacri devotione assensum impertiri. Ex hoc enim lucrisimum praemium a conditore

4)

omnium deo, procul dubio promeremur, si venerabilia loca opportune ordinata, ad meliorem fuerint sine dubio statum perducta. Igitur quia postulastis a nobis, decrevimus nostra apostolica praeceptione reconcedere ac reconfirmare

5)

perpetualiter vobis vestrisque successoribus praedictum monasterium Salvatoris domini nostri ihesu christi, et sancti Bonifacii, situm in loco qui vocatur bochonia, iuxta ripam fluminis quod dicitur Fulda, cum omnibus rebus mobilibus et immobilibus

6)

sibi pertinentibus, quas nunc habet et in futuro deo auxiliante habebit. Concedimus etiam atque donamus vobis karissime ac dilectissime fili, vestrisque successoribus abbatibus in perpetuum, pro magno nostro amore nimiaque dilectione quam

7)

circa vos habemus et habere deinceps cupimus, monasterium Sancti Andreae apostoli, quod vocatur exaiulum situm Romae iuxta ecclesiam sanctae dei genitricis Mariae semper virginis, quae vocatur ad praesepe, cum omnibus mansionibus, ca-

8)

minatis, cellis, vinariis, et coquina, cum vineis, hortis, diversisque generibus pomorum. Cum curte, et puteo, et introitu per portam maiorem, a via publica, et cum omnibus ad idem monasterium generaliter pertinentibus, tam

9)

intra quam extra urbem sitis, quae ei iuste ac recte pertinere dignoscuntur. Prohibemus autem omnem cuiuslibet ecclesiae sacerdotem in idem vestrum Fuldense monasterium quamlibet ditionem habere vel auctoritatem praeter

10)

nostram apostolicam sedem, specialiter episcopum in cuius dioecesi constructum esse videtur. Ita ut nisi ab abbate monasterii fuerit invitatus, nec missarum solemnia ibidem celebrare praesumat. Dona vero et oblationes decimasque

11)

fidelium, absque ullius personae contrarietate, firmitate perpetua, ipsi monasterio vestro secundum praedecessorum nostrorum privilegia confirmamus et corroboramus. Decernimus etiam ne alicui personae magnae vel parvae

12)

liceat aliquam vim vel controversiam inferre eidem monasterio in rebus ac familiis eius, et ne femina umquam illuc ingredi

praesumat, nostra apostolica interdiciamus auctoritate, et ne quis umquam placitum ibi ha-

13)

beat, vel in ceteris eius locis. Nec servos nec colonos, ad aliquod servitium constringat, nisi cui abbas ad utilitatem suae necessitatis assensum praebuerit. Eligendi quoque abbatem sibi quando opus fuerit, fratres inter se potesta-

14)

tem habeant secundum regulam sancti BENEDICTI, sine ullius contradictione personae. Ceterum vero hoc deliberantes decernimus, ut congruis temporibus, nostrae sollicitudini ecclesiasticae intimetur qualiter religio monastica

15)

regulari habitu dirigatur concordiaque convenienti ecclesiastico studio mancipetur. Ne forte quod absit sub huius privilegii obtentu, animus gressusque rectitudinis vestrae a norma iusticiae aliquomodo retorquatur.

16)

Concedimus etiam tibi, quem bene cruditum et bene eloquentem virum esse novimus dulcissime fili praedicare verbum dei auctoritate, sancti PETRI apostoli dei, et nostra eius indigne vicarii, et ut tam vos quam successores vestri ante alios

17)

abbates galliae seu germaniae primatum sedendi in omni loco conventuque nostra apostolica auctoritate obtineatis. Abbas vero non nisi a nostra apostolica sede benedicatur, a qua benedici debet. Et si in aliquo crimine ac-

18)

cusatus fuerit, de eadem nostra apostolica sede tantum iudicium expectet. Usum quoque dalmaticae et sandaliorum secundum quod ab antecessoribus nostris vobis concessum est, concedimus et confirmamus. Igitur generaliter

19)

addendum dignum duximus, ut quicquid auctoritate antecessorum quorumlibet nostrorum regum et imperatorum, ipsi ve(st)ro Fuldensi monasterio constat fuisse concessum, sit etiam nostra apostolica auctoritate per hoc nostrum privile-

20)

gium confirmatum atque corroboratum. Statuentes apostolica censura sub divini iudicii obtestatione, ne quis umquam nostrorum post decessorum pontificum romanorum, regum, ducum, marchionum, comitum, et

21)

praeterea archiepiscoporum, episcoporum, aut cuiuslibet dignitatis vel conditionis hominum, contra hoc nostrum privilegium quicquam audeat attemptare. Quod si quis praesumpserit, sciat se nostri anathematis vinculo

22)

usque ad dignam satisfactionem insolubiliter innodatum. Qui autem pio intuitu se custodierit. et ne in aliquo infringatur a se observaverit. benedictionis gratiam. et peccatorum suorum absolutionem a retribu-

23)

tore omnium bonorum deo consequi mereatur. ut in coelesti sede glorietur.

(Rota)

(Monogramm)

(Komma)

IHC | XPC

BENE VALETE

? ^ ^

(*Lebet wohl*)

^

PETRUS | PAULUS

Devise:

VICTORIS . II . SANCTAE ROMANAE
ET APOSTOLICAE SEDIS PAPAE

24)

Datum V Idus Febr., per manus Aribonis, vice Annonis sanctae
Romanae et apostolicae sedis archicancellarii et coloniensis
archiepiscopi Anno II° papae VICTORIS II. Indictione X.